







John Carter Brown  
Library  
Brown University





# **CATECISMO BREVE**

**QUE PRECISAMENTE**

**DEBE SABER EL CRISTIANO,**

**DISPUERTO**

**POR EL LICENCIADO**

**Don Antonio Vazquez Gastelu,**

**LLEVA AÑADIDOS**

**Los actos de Fe, Esperanza y Caridad, la confesion general y otras oraciones.**

**Reimpresa á expensas de un Cura de esta Diócesis, con las licencias necesarias de esta Sagrada Mitra, quien lo dedica á beneficio de la clase indígena.**



**PUEBLA.**

**Imprenta de José Maria Rivera, calle de Molina.**

**1860.**

7



# CONSTITUCION

DE LA REPUBLICA

DE LOS ESTADOS UNIDOS MEXICANOS

LIBERTAD

Y LICENCIA

Don Antonio Vazquez


SECRETARIO

Don Antonio Vazquez, Secretario de la Presidencia de la Republica, en virtud de las facultades que para este efecto le ha conferido el Poder Ejecutivo, ha acordado y decreta lo siguiente:

Artículo 1.º En virtud de las facultades que para este efecto le ha conferido el Poder Ejecutivo, ha acordado y decreta lo siguiente:



Imprenta de la Republica, Mexico, D.F.  
1880



## EL PERSIGNUM CRUCIS.

*Izcatqui in imachiötzin in Santa Cruz.*

**I**pampa in imachiotzin in Santa Cruz,  
inihuicpa intoyaochuan maxitechmo-  
maquixtilli totecuiyóé, Dios-é ica in  
itocatzin in Dios Tetatzin, ihuan in  
Dios Ipiltzin, ihuan in Dios Espíritu  
Santo. Máyuh moehihua.

*Izcatqui in Totatziné.*

Totatziné, inlhuicac timoyezti-  
ca, ma yectenehualo in motocazin, ma-  
tohuicpa huala in motlahtocayotzin:

ma chihualo in tlatticpac in motlane-  
quilitzin, inyuh chihualo in ilhuicac.  
In totlaxcal momoztla yé totechmo-  
nequi ma axcan ma xitechmomaquili,  
ihuan ma xitechmotlapopolhuili in to-  
tlatlacol, in yuhqui tiquintlapopol-  
huia in techtlatlacalhuia: ihuan ma-  
camo xitechmomacahuili inic amo ipan  
tihuetzizque in teneyeyecoltiliztli: ma-  
zanye xitechmomaquixtlili: inihuicpa  
in amo cuali. Máyuh mochihua.

*Izcatqui in maximopapaquiltitíe.*

Maximopapaquiltihtié Santa Ma-  
riaé, timotemiltitica ica in cenquiz-  
ca yectiliztica gracia, monahactzinco  
moyetztica in tlatoani Dios; zenca  
tiyectenehualoni intlan in izquichtin zi-  
hua ihuan zenca yectenehualoni in  
itlaquilo in moxilantzin Jesus. San-  
ta Mariaé Dios inantziné, ma to-  
pan ximotlahtolti in titlatlacoanime,  
in axcan, ihuan inihcuac ye tomi-  
quiliztempam. Máyuh mochihua.



*Ixcatqui in Neltoconi.*

Nicmoneltoquitia in zenhuelitini  
Dios Tetahtzin in oquiyocox, oqui-  
mochihuili in ilhuicactli, ihuan in tlat-  
ticpactli: ca no nicmoneltoquitia in to-  
tecuiyo Jesucristo, zan huel iceltzin  
in Ipiltzin in Dios, ihuan to tlahtoh-  
catzin, cá omoquichnacayotitzino itla-  
mahuizoliztica in Dios Espíritu Santo,  
auh itetzinco omotlacatilitzino in  
cihuapilé Santa Maria cemihaac  
ichpochtzintli: topampatica omo tlah-  
yohuilti itlatocayopan in Poncio Pi-  
lato: cruztitech, quanepanoltitech o-  
mahmazohualtiloc, omomiquili: otococ,  
omotemohui in mictlan: yei ilhuistica  
omonohmaizcalitzino intlan in mi-  
micque; omonohmatlehcahuitzino in  
ilhuicac, ohualmotlalihtzinoto imayec-  
cancopamactzinco in cenhuelitini Dios  
Tetahtzin; auh icompa hualmehuitz  
quinmotlatzintoquililiqui in yolque,  
ihuan in mimicque: no nicmonelto-  
quitia in Dios Espíritu Sauto, ihuan  
cá moyetztica Santa Iglesia Cathó-  
lica: in necepanicneliliz in Santohme:

ca onca in tlahtlacol popolhuilliztli:  
ca mochlhuaz in inezcaliliz in tona-  
cayo: ca onca cemihcac yoliliztli.  
Májuh mochlhua.

*Izeatqui in cihuapilé.*

Cihuapilé ma ximopapaquiltitli  
totetlaocoliliznanzine to yolilizé, to-  
tzopelicayolilizé, to netemachializé,  
maximopapaquiltitlié: timitzontza-  
tzililia in titlatotectin tipilhuan in  
Eva, mohuictzinco toneltzizihui, tzi-  
uenoliztica, ihuan choquiztica in ni-  
can choquiz ixtlahuacan: mayehcues-  
le to tepan tlahtocatzine, ma tohuic-  
pa xihualmocuépili in mo tetlaocoli-  
liz ixtelolotzin: auh inyé otzonquilz  
in tlahticpac totohtococa, maxitech-  
hualmoihtitili in zenquizca yectene-  
hualoni Jcsus, itlaquilo mo xilantzin.  
Iyo icnohuacatzintle, zenquizca ich-  
pochtizintlé, Santa Mariaé, ma to-  
pad ximotlatolti Dios inantziné inic-  
tiqui icnopilhui zquénitlatenehuatlzin  
in totécuiyo Jesucristo. Májuh mo-  
chihua.

*Izcatqui ini teotenahuatiltzitzihuan*

In itenahuatiltzitzihuan in tote-  
cuiyo Dios cá matlaetétl. In te etl  
achtopa mo tenehua, itechtzinco po-  
hui in imahuztilillocatzin in Dios, auh  
in occhicantetl intechpohui in pale-  
huiloca intohuampohuan.

Inic centetl, ticmotlazohtliz, ihuan  
ticmomahuiztililiz in totecuiyo Dios  
ipan nochi in ixquich in quexquich  
tlachihuali.

Inic ontetl, amo ticmotlapictenehuiliz  
ini tocátzin in Dios.

Inic etetl, titlateomatiz ipan ihuati  
pialoni, amo titlatequipanoz.

Inic nauhtetl, tiquinmiomahuiztiliz in  
motatzin ihuan inmo nantzin.

Inic macuilitetl, amo tt temictiz.

Inic chieuacentetl, amo tiahuilnemiz.

Inic chicontetl, amo titlachtequiz.

Inic chicutetl, amo titetentlapiquiz,  
amo tiztlacatz.

Inic chienautetl, amo tiquelehuiz in  
teoyotica tenamic, tecihua.

Inic matlahtetl, amo tiquelehuiz in  
tlen tehaxca, tlen tetlahqui.

Inin mahtlactetl teotenahuatili itech  
ontlamantli centzactoc, yehuatl inic  
ticmotlazohtiliz in totecuiyo Dios,  
ipam nochi in ixquich in quexquich  
tlachihuali, ihuan inic tiquintlazoh-  
tlaz in mohuampohuan inquenami  
tehuatl timonohmatlazohtla. Máyuh  
mochihua.

*Izcatqui in itlanahuatiltzitzihuan in  
Tonantzin Santa Iglesia.*

Intlanahuatiltzitzihuan in Tonantzin  
Santa Iglesia ca macuiltetl.

Inic centetl, in Domingo ihuan ipan  
ilhuitl pialoni huel centetl Missa  
mocaquiz.

Inic ontetl, neyolmelahualoz ipan in  
Cuaresma, nozo imiquiliztempam,  
nozo ihcuac celiloz ini tlazonaca-  
yotzin in totecuiyo Jesucristo.

Inic etetl celiloz in itlozocenquizca  
nacayotzin in totecuiyo Jesucristo  
ipan in xochi Pascua.

Inic nauhtetl, nezahualoz inihcuac



motenahuatlilia in Tonantzin Santa Iglesia.

Inic macuiltetl, tlamanaloz tlamah-  
tlactetilia itoca Diezmos, ihuan in-  
tlen yancuica mochihua, itoca Pri-  
micias. Máyuh mochihua.

*Izcatqui in teoyotica pahtli itoca Sa-  
cramentos.*

In teoyotica pahtli, itoca sacramentos,  
i axcatzi in Santa Iglesia, ca chi-  
contlamantli.

Inic centetl, yehuatl in teoyotica Ne-  
cuaatequiliztli, itoca bautismo.

Inic ontetl, yehuatl teoyotica teochi-  
cahualiztli, Necuailpiliztli, itoca  
confirmacion.

Inic etetl, yehuatl in teoyotica Neyol-  
melahualiztli, itoca penitencia.

Inic nauhtetl, yehuatl teoyotica izeli-  
locatzin ini Nacayotzin in totecuiyo  
Jesucristo, itoca comunión.

Inic macuiltetl, yehuatl teoyotica Ne-  
machiotiliztli, ic tomiquiliztempan  
timachiotilozque, itoca Estrema-  
uncion.



Inic chieucacentetl, yehuatl teoyotica  
Teopixcayotl, itoca Orden sacer-  
dotal.

In chicontetl, yehuatl teoyotica Nena-  
mictiliztli, itoca Matrimonio. Má-  
yuh mochiua.

*Izcatqui in ineltococatzin in totecuiyo  
Dios.*

In ineltococatzin in totecuiyo Dios  
ca mahtlactetl onnahui. In chicon-  
tetl achto motenehua, itetzincopohui  
in totecuiyo Dios inic Teotl, aui in  
oc chicontetl itetzincopohui in totecui-  
yo Jesucristo, inic oquitzintli.

*Izcatqui in chicontetl itetzinco pohui  
in totecuiyo Dios inic Teotl.*

Inic centetl neltocoz, izeltzin Teotl  
Dios Cenhueltini.

Inic ontetl neltocoz, ca Tetatzin in  
Teotl Dios.

Inic etetl neltocoz, ca Ipiltzin in Teotl  
Dios.

Inic nauhtetl neltocoz, ca Espiritu  
Santo in Teotl Dios.

Inic macuiltetl neltoco, ca Teyoco-  
yani techihqui.

Inic chicuacentetl neltoco, ca Tema-  
quixtiani.

Inic chilcontetl neltoco, ca Tenecuil-  
tonohuani Tecentlamachtiani.

*Izcatqui in oc chicontetl ca huelitectzin-  
copohui in totecuiyo Jesucristo inic o-  
quichtzintli.*

Inic centetl neltoco, ca intotecui-  
yo Jesucristo, omoquichnácayoti-  
tzino ichpoxilantzinco in cihuapi-  
le Santa Maria zan ica in iteoma-  
huizoltzin in Dios Espíritu Santo.

Inic ontetl neltoco, ca in totecui-  
yo Jesucristo, itechtzinco omotla-  
catilitzino in cihuapile Santa Ma-  
ria, cemicac ichpochtztintli, in aya-  
mo omotlacachihuiaya, ipan itla-  
cachihualitzin. ihuan zatepan yé  
omotlacachihuiti, aic quemán equi-  
mopolhui in mahuíz ichpochyo-  
tzin.

Inic etetl neltoco, ca in totecuiyo  
Jesucristo omotlahyohuiti, ihuan

omomiquilli, ic otechmomaquixtiliz-  
quia in tehuantin in titlatlacoanime.  
Inic nauhtetl neltoco, ca in totecuiyo  
Jesucristo omotemohui in mictlan,  
oquinhualmoquixtilito in inyolia in  
qualtin Tetahme, in ompo oquin-  
hualmochialiticatca in itlazomahuiz  
hualialitzin.

Inic macuiltetl neltoco, ca in note-  
cuiyo Jesucristo yei ilhuitica omo-  
nomaizcalihtzino intlan in mimic-  
que.

Inic chicuacentetl neltoco, ca in to-  
tecuiyo Jesucristo omonohmatleh-  
cahuitzino in ilhuicac, ohualmo-  
tlalitzinoto imayecancopamactzin-  
co in itlazomahuiz Tatzin in Dios  
Cenhuelitini.

Inic chicontetl neltoco, ca in tote-  
cuiyo Jesucristo ic ompa hualme-  
huitiz quinmotlatzintoquililihqui in  
yolque, ihuan in mimicque, in cual-  
tin quinmomaquilliz in cemicac pa-  
pahquiliztli in gloria ipampa huel  
oquinmopialihque in itlanahuatil-  
tztizihuan in Dios, ihuan itlana-  
huatiltztizihuan in to Nantzin San-

ta Iglesia; auh in amocualtin ca  
quinmomaquilliz in cemihcac míc-  
tlan tlayohuilliztli ipampa amo o-  
quipixque ini tenahuatiltzitzihuan  
in Dios; ihuan ini tlanahuatiltzitzihuan  
in to Nantzin Santa Iglesia.  
Máyah mochiua.

*Izcatqui in teotlatol tlahlaniliztli.*

*Preg.* Tla xinech molhuili quezquin-  
tin in Teteo?

*Resp.* Ca zan cetzin in huelneli Teotl.

*P.* ¿Campa moyetztica in Teotl?

*R.* Ompa moyetztica in ilhuicac, tlat-  
tiepac ihuan nohulampan moyetz-  
tica.

*P.* ¿Aquin oquimochihuili in ilhuicac-  
tli, ihuan in taltiepac, ihuan no-  
chi tlamantli?

*R.* Ca Yehuatzin in totecuiyo Dios.

*P.* ¿Aquin Yehuatzin in totecuiyo  
Dios?

*R.* Ca Yehuatzin in Teoyeitiliztli in  
Santísima Trinidad.

*P.* ¿Aquin Yehuatzin in Teoyeitiliztli  
Santísima Trinidad?



R. Ca Yehuatzin in Dios Tetatzin,  
Dios Ipilzin, ihuan in Dios Espí-  
ritu Santo, yeintzitzin Teotlaca-  
tzitzintin Personasme, ihuan zan  
ce huelneli Teotl.

P. In Dios Tetatzin cuix Teotl?

R. Ca quemacatzin ca Teotl.

P. ¿Ihuan in Dios Ipiltzin cuix Teotl?

R. Ca quemacatzin cá Teotl?

P. Ihuan in Dios Espiritu Santo cuix  
Teotl?

R. Cá quemacatzin cá Teotl.

P. ¿Cuix yeintin Teteo?

R. Amötzin, cá zan ce huel nelli  
Teotl; auh inmanel mezticate yein-  
tzintzintin Teotlacatzitzintin Perso-  
nasme cá zan cé huelneli Teotl  
Dios moetztica, ipampa zán huel  
cetzin ini Teoyotzin quimopialia.

P. ¿Auh intechcopatzinco inin yein-  
tzintzin Teotlacatzitzintin, aquin  
Yehuatzin oquitzintli omochihtzino?

R. Ca Yehuatzin inic ontetl Teotla-  
catzintli, Dios Ipiltzin, ihuan inih-  
cuac ye oquitzintli omochihtzino  
otimotocayotililique Jesucristo.

P. ¿Aquin Yehuatzin Jesucristo?



R. Cá Yehuatzin in huel nelli Teotl,  
ihuan huel nelli oquitzintli.

P. ¿Campa omoquichnacayotitzino  
in Dios Ipiltzin?

R. Ichpoxilantzinco in tlazo cihua-  
pile Santa Maria zemihcac cen-  
mahzitica ichpochtztintli ihuan Dios  
Nantzin omocauhtzino.

P. ¿Auh tlen ipampa oquitzintli omo-  
chihztzino in Dios itlazopiltzin?

R. Ic otechmomaquixtilico in tehuan-  
tin ti tlatlacoanime.

P. ¿Ihuan tlen huel oquimochihuilico  
in totecuiyo Jesucristo nican tlat-  
ticipac inic otechmomaquixtilizquia?

R. Cá topampatica omotlahiyohuilti,  
itlahtocayopan in Poncio Pilato,  
cruzittech omahmazoaltiloc, omo-  
miquilli, otococ, omotemohui in  
mictlan, equin hual moquixtilito  
in cualtin Tetahme, ompa equin  
hualmochialihticatca ini tlazo ma-  
huiz hualialitzin: yei ihuitica, omo-  
nomaizcalitzino: omonomatlehca-  
huitzino in ihuicac, ohualmotla-  
litzinoto imayecancopamactzinco in  
Cenhuelitini Dios Tetahzin; auh

¿icompá hualmehuitz quinmotla-  
tzinguillihqui in yolque, ihuan  
in mimicque?

P. ¿Auh inicuac omomiquili in to-  
tecuiyo Jéshueristo itech in cuah-  
nepánolli Cruz, quen omomiquili,  
cuix omomiquili inic Teotl, auh  
nozo omomiquili inic oquitzintli?

R. Cá omo omomiquili inic Teotl;  
cá zan ixquich inic oquitzintli o-  
momiquili.

P. ¿Auh inicuac miqui cé tlaltic-  
pactlacatl, quenin miqui, cuix mi-  
qui in iyolia, auh nozo zan ixquich  
in itlalnacayo miqui?

R. Cá amo miqui in iyolia; cá zán  
ixquich in itlalnacayo miqui.

P. ¿Auh ini itlalnacayo in tlalticpac  
tlacatl cuix cemihcac miqui?

R. Amotzin, ipampa ihcuac onaziz  
in temiquiliz tlaltzinguilliz il-  
huitl, occepa moztiliz in iyolia,  
ihuan in inacayo, ihuan ihcon moz-  
caliz, ihuan cemihcac yoliz.

P. ¿Auh inin yolla in cualtin ihcuac  
miqui inin itlalnacayo campá ya-  
hui?

R. Ompa ilhnicac campa nochipa zemiheac mo papaquiltihntiezque, mo cehuhtiezque, ipampa huel oquinmopialihque, ini tlanahuatiltzitzihuan totecuiyo Dios, ihnan itlanahuatiltzitzihuan into Nantzin Santa Iglesia.

P. Auh inin yolia in amoqualtin campayazque, ihquac miquiz inin tlanacayo?

R. Ompa mictlan, campa cemiheac quihyohuizque id tecocoh, tetolini, ipampa amo oquinmopielihque in tlanahuatiltzitzihuan in totecuiyo Dios, ihuan tlanahuatiltzitzihuan into Nantzin Santa Iglesia.

P. Auh tlén quihtoznequi Santa Iglesia?

R. Cá quihtoznequi in necentlaliliz, in necennechicoliz in centlaneltocanime, huel nelli momaquixtia, in tlá yectiliztica momiquilla.

P. Auh aquin oncan moyctztica ihtectzinco in tlateochihuali tlaxcalnezcayotzintli, mo tenehtzinohua tlaceliliztli Santísimo Sacramento?

**R.** Ca oncan moyetztica in totecuiyo Jesucristo, huel neli Teotl, ihuan huel neli oquitzintli, zan huel ihcatzintli moyetztica ompa in ihuicac, zan no ihcatzintli moyetztica ihtectzinco in Santisimo Sacramento, ihuan in quezquican itlaxelohiz itoca particula.

**P.** Inic yecan titlazelizque tlen ticchihuazque?

**R.** Ca nezahualiztica tianhizque ihuan neyolcuitiliztica, azo itla temictiani tlahtlacol ticpia ticyolcuitizque.

**P.** Ihuan inic yecan timoyolcuitizque tlen ticchihuazque.

**R.** Timoyolpehpenazque, tiquilnamiquizque into tlahtlacol auh intemictiani tlahtlacol ticpia, tic yolcuitizque neyoltequipacholiztica nezencahualiztica inic acmo ocepan chihualoz.

**P.** Auh inic timomaquixtizque tlen ticchihuazque?

**R.** Ticmopializque ini tenahuatiltiztzihuan in totecuiyo Dios, ihuan itlanahuatiltiztzihuan into Nantzín Santa Iglesia, ihuan nochí inix-



quich inquexquich totechpahui tic-  
moyecampializque ihuan ticmoye-  
can tequipanilhullizque in Totea-  
tzin. Máyuh mochiua.

### CONFESION GENERAL.


*In neyolmelahualoni.*

Nehuapol nitlahtlacoani ni mo-  
yolmelahua ni moyolcuitia ixpantzin-  
co in Zenhuelitini Dios, in ilhuica-  
chane (\*) zemicac ichpotzintli Santa  
Maria, in ilhuicachane San Miguel Ar-  
cangel, in ilhuicachane San Juan  
Bautista, in ilhuicachane Señor San  
José, in ilhuicachaneque Apostolome  
San Pedro ihuan San Pablo ihuan in  
nochtin in Santohme, noihsan in te-  
huatzin no Tatzin ipampa no tlah-  
tlacol, no tlatlacel, huan huel huei  
no tlahtlacol, auh ipampa on nimo-

(\*) *Quemachami vel quemachami  
cantzintli*, son los mas propios, pero a-  
caso no los entienden en el dia.



tlahlahtliltia in ilhucachane cemicac  
 ichpochtzintli Santa Maria, in ilhucachane  
 San Miguel Arcangel, in ilhucachane San Juan Bautista, in ilhucachane  
 Señor San José, in ilhucachaneque Apostolome San Pedro  
 ihuan San Pablo ihuan nochtin Santohme, no ihuan tehuatzin no Tatzin  
 inic no pampa ticmotlahlahtliltiz in totecuiyo Dios. Máyuh mochiua.



## ACTOS DE FÉ, ESPERANZA Y CARIDAD.

*In Tlanetloquiliztli, Netemachializtli  
 Teotlazotlaliztli tlachihuali.*

Nic moneltoquitia in Zenhuelitini,  
 huelnelli Teotl, Teyocoyani, Techihuiqui,  
 zenquizca cualli: auh ipampa on in  
 aquihque tlahlacolpan mi qui quinmotlaxilia  
 mictlan, ihuan in aquihque itechtzinco  
 y Teoteyectiliztin momiquilia quinmomaquilia  
 in ilhuicac tlahtoncayotl: nicmoneltoqui-

tia in Teoyeutiliztli, Santísima Trini-  
dad, Dios Tetahtzin, Dios Ipiltzin,  
ihuan Dios Espíritu Santo, yeintzi-  
tzin Teotlacatzitzintin, ihuan zan cé  
hüelnelli Teotl, TEMAQUIXTIANI, ihu-  
an Tecentlamachtiani: auh inmanel  
itechtzinco in Dios metzticate yein-  
titzin Teotlacatzitzintin nochtintzi-  
tzin quinnopialia zan cé in yelitzin,  
zan cé in Teoyotzin: nicmoneltoqui-  
tia cá inic ontetl Teotlacatzintli in  
Dios Ipiltzin omonacayotihztino, ámo  
quenami in occequintin cemanahuac  
tlacá; cá zán itlamahuizoltica in Dios  
Espíritu Santo ichpochchipahcaxi-  
lantzinco in cihuápile Santa Maria,  
auh itechpantzinco omotlacatilihtzi-  
no, ihuan zemihcac ichpochtzintli  
omocauhtzino: nicmoneltoquitia cá in  
totecuiyo Jesucristo oquitzintli omo-  
chihztino inic ohuelitizquia momi-  
quiliz topampatica, ihuan otechmo-  
maquixtilizquia itechpa in to tlatla-  
col ipaltzinco in itlahyohuilitzin,  
ihuan i miquilitzia itech in quáne-  
panolli Cruz; auh manel omomiqui-  
li inic oquitzintli, ámo omomiquili

inle Teotl, zan omotemohuitzino in  
tlazoh animahitzin ompa mictlan,  
motocayotia Limbo, equin hualino-  
quixtilito inin yotia in qualtin Te-  
tahme, ompa quinmochialihitcatca in  
tlazoh mahuiz hualahitzin quinmo-  
maquixtilizquia: nicmoneltoquitia cá-  
yei ihuitica omonohmaizcalitzino in-  
tlan in mimicque, ihuan, ompoal ih-  
huitica in yé omonohmaizcalitzino,  
omonohmatlehcahui in ihuicac ima-  
yecancopamactzinco ohuamotlahitzin-  
noto in tlazohmahuiz Tahzin in  
Dios; nicmoneltoquitia cá in totecui-  
yo Jesueristo moyetztica huel nelli  
Teotl, ihuan huel nelli oquichtzin-  
th: nicmoneltoquitia cá ihtectzinco  
in tlatochihualli Tlaxcaltzintli mo-  
tenehua Santísimo Sacramento metz-  
tzinótica, inquenamihcatzintli moyetz-  
tica ompa in ihuicac: nicmonelto-  
quitia cá ipalzinco in mahuiz tláh-  
toltzin in tocuyllo Dios tech mo-  
tlaoecolilia in tecualtiayatzin gracia  
imacopatzinco in Sacramentos: no-  
nimoneltoquitia cá in mahel miqui  
into ualmacayo, amo miqui in toyo-

llia; ihuan inihcuac tzonquizaz in  
cemanahuac, nochtin limozcalizque,  
inic ayacmo occepa timiquizque auh  
ihcuacón hualmohuicaz in totecuiyo  
Jesucristo quimotlatzintoquililqui in-  
yolque, ihuan in mimique in cual-  
tin quinmomaquiliz in ilhuicac ne-  
cuiltónoliztli, inic cemicac mopa-  
paquiltiezque; ihuan in amo cualtin  
quinmotlaxiliz mictlan campa cemi-  
cac tlatzacuiltlozque: nicmonenlto-  
quitia ca onca in Nettlechipahualo-  
yan itoca Purgatorio, in campa tlahi-  
yohuiltihue inin yolliá in yectlanel-  
tocanime, yectiliztica, cualtiliztica i-  
pan ini graciahtzin in Dios omoni-  
quilihqui, auh amo oquichihque no-  
chi intlamazehualiztli intechpohui-  
aya auh ipampa on ompa mochipa-  
huazque ihuan zatepa yazque in  
ilhuicac: nic moneltoquitia nochi in  
ixquich in quexquich quimoneltoqui-  
tia in to Nantzín Santa Iglesia ca-  
tólica romana.



## ACTO DE ESPERANZA.

Nimotemachia itechtzinco in Dios,  
 ipampa Yéhuatzin quénin cenquiz-  
 cateicnoitani nechmotlapohpolhuiliz  
 in no tlahtlacol, nechmopalehuiliz  
 inic nitelchihuaz nochi in ámocua-  
 lli, inic niquinmopializ iteotenahua-  
 tiltzitzihuan, ihuan itenahuatiltzitzihuan  
 in to Nantzin Santa Iglesia.  
 Nimotemachia cá ipaltzinco ini tla-  
 zomahuizyezotzin in to Temaquix-  
 tihcatzin Jesucristo nechmomaquiliz  
 i teoyotica palehuilocatzin, ihun i-  
 tequaltiayatzin gracia, itechtzinco ni-  
 yoliz, ihuan itechzinco nimiquiz inic  
 cemihae ompa zempahpaquiloan i  
 Teoixpantzinco nimocencuiltonoz.

## ACTO DE CARIDAD.

Nicmotlazohtilia in Teotl Dios  
 ipan nochi in ixquich, in quexquich  
 tlachihuali nochi ica no yolo nochi  
 ca noanima: nicmotlazohtilia ipampa  
 zenquixca cualli, zenquixca yectil.



zenquixca tlazohtlaloni, zenquixca  
mahuiztililoni, ihuan onicne quixquia  
nicmotlazohtiliz inquenin quimotla-  
zohtilia in ilhuicacyolicehque San-  
óme; ihuan in tlahtohca Cihuapilé  
Santa Maria, ihuan intlá onihuelitiz-  
quia in quenin Yéhuatzin monoma-  
tlazotilizino: auh ipampa Yéhuatzin  
nechmonahuatilia, nimonohmatlazoh-  
tilia, ihuan niquin tlazohtla in no-  
huampohuan in quenami in néhuatl  
nimonohma tlazohtla: ni quin tlapoh-  
polhuia in aquihque onechtlahtlacal-  
huihque, ihuan niquinmihtlanilia tla-  
pohpolhuiliz aquihque oniquintlahtla-  
calhui.

Nic telchihua nochi inno tlah-  
tlacol, ni moyolcocoa, cenca nimo-  
yoltequipachoa, ipampa onimitzmo  
yolihtlacialhuilihtzino intino Teotzin,  
tino Tecuiyotzin, tino Temaquixtli-  
catzin: nimocemixnahuatia acino oc-  
cepa nitlahtlaco, nimonemilizcuezpaz,  
cualli nimoyolcuitiz, nicchihuaz in-  
tlamahcehualiztli, ihuam nochi in tlén  
in Dios, ihuan in to Nantzin Santa

Iglesia nech monahuatilia. Mayuh  
mochihua.

ACTO DE CONTRICION.

*Neyoltequipacholiz tlachihuali.*

No teotziné, no Tlahtohtatziné  
Jesucristo é, ca, huelnelli ti Dios, i-  
huan huelnelli tioquitzintli, cá ti no  
Teyocoxcatzin, ti no Temaquixtih-  
catzin, cenca nech tequipachoa i-  
pampa onimitz moyolihtlatlactalhuili:  
onitlahlaco, cenca huei onitlahlaco:  
maxinechmotlapohpolhuilitzino, zan  
ipampa tino Teotzin, cenquizca ti  
mahuiztililopi, cenca titlazohtlalani  
ipan nochí in ixquich in quexquich  
tlachihuali. Ye ni mozemixnahuatia  
ayacmooccepa nitlahlaco, motectzin-  
co ni motemachia ica moteienoi-  
talitzin in gracia, cá tinechmotlapoh-  
polhuilihtzinoz nochí in ixquich, in  
quexquich no tlátlacol, ihuan ti nech-  
momaquiliz in mo teochicahuatitzin  
in gracia inic acmo occepa ni mitz-

moyolihtlacalhuiliz, ca zemihcac nimitz  
motlazohtiliz, ihuan nimitzmo-  
yectequipanilhuiliz ihuan zatepan ze-  
mihcac nimitzmotilihtzinoz ompa in  
ilhuicac motlahtoachantzinco. Má-  
yuh mochihua.

**BENDITO.**

Ma zenquizea yectenehualo in  
Santísimo Sacramento, in ipan Altar,  
ihuan ichipahuica nenecayotiltzin in  
temicac ichpotzintli Santa Maria, in  
aic itectzinco oacic in tlatlacel peuh-  
cayotl. Mayuh mochihua.





*Oraciones en Mexicano para que los Indígenas sepan creer y adorar al Santísimo Sacramento, cuando se eleva la Hostia consagrada y el Cáliz, en el Santo Sacrificio de la Misa.*

In ichuac mochihua Missa inin netla-  
tlautiliz ica nochi toyolotica tanimah-  
tica tiquihtozneque, huel ichcuac Teo-  
pixcatzintli quimacocuilia, in Santa  
Hostia, in motenetzinoa, Teotlamahui-  
zoli Sacramento.



Noteotziné notlazomahuiz Te-  
maquixticatziné Jesucristoé nehualt  
manel ni tlatlacoani, nochi noyolotica,  
nochi nanimatica, ni mitzmoteotitzi-  
noa, ni mitzmomahuiztililia, ni mitz-  
motlazotilitzinoa, (ihua) nimitzmoyec-  
teneh uilia, ihuan chiea hualiztica, nic-



moneltoquitia cá motlazomahuiz Na-  
cayotzin, qucnami moyeztica, ompa  
in ilhuicac, zanoicqui huél zemahzi-  
tica moyeztica itietzinco, inin Tlateo-  
chihuatl Santa Hostia, in motenehtzi-  
noa Teotlamahuizoli Sacramento.

Zanoicqui, niemoteotitzino, nie-  
momahuiztililia niemotlazotilitzino  
niemoyectenehuilia, motlazomahuiz  
Yezotzin, ihuan chicahualiztica, nie-  
moneltoquitia, ca moyeztica itietzin-  
co Cáliz, huél yehuatzin moyezotzin,  
omonoquitzino, omotoyahuitzino, ih-  
cuac Tehuatzin Cruztitech, otimoma-  
zoaltiloc, ihuan topampa otimotlayo-  
huiltitzino.

¡O Noteotziné, notlazomahuiz Te-  
maquixticatziné Jesucristoé, ma xic-  
monehquiltitzino, ompa in ilhuicac ni-  
mitzmoteotitzinos, nimitzmomahuiz-  
tilitzinos, nimitz moyectilitzinoz, ih-  
uan semicac nimitz motlazotilitzinos,  
ihcon nochí noyolotica, nochí nanima-  
tica nimitzmotlatlautilia ipampatzinco  
motlazomahuiz Yezotzin, maicon mo-  
chihua Jesúsé.

47 In ihcuac Teopixcatzintli quimo-  
celilla, in itlazomahuiz Nacayotzin in  
Totecuiyo Jesueristo, ihcon tiemotla-  
tlauhüilizque.

48 O Noteotziné notlazomahuiz Te-  
maquixticatziné Jesucristoé; ca amo  
nolhuil, amo nocnopil, amo nomace-  
hual inic noyoloietic, timocalaquihdzi-  
nos mazanyé xicmotenquixtili motla-  
toltzin inic pahtic inic yoliz, inic mo-  
maquixtiz no yolia in nanima maihcon  
mochihua Jesusé.



Alabado que contiene los Actos de Fe,  
Esperanza, Caridad, y Contrición, que  
en idioma mexicano reformó y añadió un  
Párroco de este Obispado de Puebla, de un  
manuscrito en que lo encontró, el cual  
ha visto después impreso aunque con mu-  
cha variedad, y lo da a luz en beneficio  
de los Indígenas que hablan este idioma.  
Se imprimió con la licencia necesaria, en  
Puebla, el año de 1832.

**M**acénea yectenéhualo  
Itlazo Teoyectiliztli  
Motenéhua Trinidad  
Yeintin Teollacatzitzin.  
Neli Teotl in Dios Tetatzin,  
Dios Ipiltzin Dios zanoicqui  
Dios noicqui in Espíritu Santo  
Zan cé Teotl in mexitintzitzin.  
Pampa zan cé in iteoyotzin  
Ihuán zan cé iteoyeltzin  
Quimopilelitzinóa  
In yei Teollacatzitzin.  
Zan inoicteit in Persona  
Huel Yehuatzin Dios Ipiltzin

Oquitzintli omochiuhztino  
Ycotech momaquixtli.  
Itech in Santa Maria  
Omochiutzino Oquitzintli  
Ica in Dios Espíritu Santo  
Huei Itlamahuitzoltzi.  
Manel in Santa Maria  
Ca Inantzi in Dios Ipiltzin  
Tel mocemazitica  
Nochipa neli Ixpotzintli.  
Inic Oquitzintli Cristo  
Huel miec omotlayohuilti  
Ihuan melahuac Cruztitech  
In tópampa omomiquili.  
Tel yei ilhuitica huelneli  
Omonomaizcalitzino  
Ihuan omotlecahui  
Ompa in ilhuicac ichantzinco.  
Icuac inin tlalticpactli  
Tlamiz tzonquizaz polihuiz  
Hualmizcaz in Jesucristo  
Tetlatzintoquiliqui  
In cualtin ompa in ilhuicac  
Quimocempapaquzltizque  
Ihuan in amo cualtli  
Mictlan quinnmocentlaxilis.

Huel Ychuaniz in Dios Ipiltzin



Macenca yectenehualon  
 Intlaxcaluezcayotzintli  
 Tlanceliliz Sacramento  
 Jesus otechmocaahuili  
 Amo pantzi manel nezi  
 Tien nepa ticmoteliliz  
 Ca Jesus Ynacayotzin  
 Manel amo tic motiliz  
 Zanoicqui nepa moyestica  
 Ma in huz Ostia ma tepitzin  
 Iyezotxin y Animatzin  
 Iteoyotzin Centetzintli  
 Nochi inin titlaneltocha  
 Pampa ihcon otechmachtili  
 Huel yehuatzin Santa Iglesia  
 Itech Itlaneltoquiliz  
 Nic motemachia in Dios  
 Ca nechmotlapopolhuiliz  
 In ixquich in Notlahtlacol  
 Zan ica iteicnotalitzin  
 Ihuan ipampa Iyezotzin  
 Jesucristo Itlazopiltzin  
 Ca itech in Sacramento  
 Miec gracia otechmocaahuili  
 Tel cenca Totech monequi  
 Ica inin ticnopilhuizqui

Neil timoyolcocoque  
Ihuan ti moyolcuitizqué  
Nic motlazotilia in Dios  
In ce Tetlazotlalitzin  
Ca onicnequizquia ma nima  
Ipan yé ni momiquiliz  
Nictelchihua notlatlacol  
Ihuan no ahuilnemiliz  
Ayacmo queman ni tlatlacoz  
Tla Dios nehmopalehuiliz  
Mazenca yectenéhualo  
Santa Maria ipehualitzin  
Ca ipan tlatlacol peuhcayotl  
Amo queman omohuetziti  
Huelica inin Alabado  
In Diablotl tlayolhuitiz  
Ihua huelzenca momautiz  
Ave Maria tic tenquixtiz  
FIN.







BA 860

V 393c

